

15 September 2011

NUUSBRIEF 9/2011

Geagte Ouers

SKOOLGELDE EN HERREGISTRASIE VIR 2012

1. SKOOLGELD

Tydens 'n Ouervergadering wat gehou is op Woensdag, 14 September 2011, is die skoolgeld vir 2012 op R6 000.00 per leerling per jaar vasgestel. Ek wil u verseker dat daar met die grootste omsigtigheid te werk gegaan is met die vasstelling van die skoolgeld. Gemeet aan alle standaarde, is die Beheerliggaam tevrede dat die kwaliteit opvoeding wat u kind by Laerskool Thabazimbi ontvang, werklik waarde vir geld verteenwoordig.

- Skoolgelde beloop R6 000.00 per leerling per jaar.
- Die eerste paaiement van R600.00 is betaalbaar MET herregistrasie en hierdie paaiement is nie terugbetaalbaar nie.
- 'n Getekende debietorder vir Amandelbult Myn of Northam Platinum Myn sal ook aanvaar word in die plek van die eerste paaiement.
- Korting van 7,5 % word aan persone toegestaan wat hul skoolgeldrekening voor of op 31 Januarie 2012, vereffen.
- Korting vir gesinne met meer as een kind in Gr 1 – 7 in Laerskool Thabazimbi word soos volg bereken:

KIND 1	-	R6 000.00
KIND 2	-	R5 700.00 (5 % KORTING)
KIND 3	-	R5 400.00 (10 % KORTING)
KIND 4	-	R4 800.00 (20 % KORTING)

- Ons versoek dat u asseblief van 'n debietorder gebruik sal maak.
- Ouers wat maandeliks kontant betaal se laaste paaiement vir 2012 is betaalbaar voor of op Vrydag, 5 Oktober 2012. Let asb net weer daarop dat gelde VOORUITBETAALBAAR is, met ander woorde Januarie se paaiement word voor 7 Januarie betaal ens.

2. HERREGISTRASIE

Ten einde u kind se herregistrasie vir 2012 te vergemaklik, versoek ons u vriendelik om die aangehegte herregistrasievorm volledig te voltooi, en voor of op Vrydag, 23 September 2011, in te handig by u kind se voogonderwyser.

Herregistrasie is 'n voorreg aan huidige ingeskrewe leerlinge, onderworpe aan die volgende voorwaardes:

- Eerste paaiement vir 2012 se skoolgelde moet ingesluit wees;
- Bevredigende akademiese prestasie;
- Bevredigende gedrag volgens die skool se gedragskode;
- **Dat alle skoolgeld vir 2011 tot op datum betaal is, of die nodige reëling met die Beheerliggaam getref is vir vrystelling, verligting of afbetaling daarvan.**

Indien u vorms nie teen Vrydag, 23 September 2011, ingehandig is nie, neem ons aan dat u verhuis of u kind by 'n ander skool gaan inskryf en **word u kind derhalwe nie geregistreer en op 'n klaslys geplaas vir 2011 nie.**

3. AANSOEK OM KORTING OP 2012 SE GELDE

Aansoek om bogenoemde moet volledig voltooi word en aan die herregistrasievorm geheg word. Aansoekvorms is by die Administratiewe Kantoor beskikbaar.

Baie dankie vir u vriendelike samewerking.

Groete

Mnr J L M Venter
HOOF